



天津交通銀行同人俱樂部圖書室

古泉匯利集卷十五

遼



遼太祖錢 西清古鑑按遼耶律阿保機於後梁末帝龍德二年改元天贊遼史食貨志鼓鑄之法先代撒刺的以土產多銅始造錢幣太祖襲而用之遂致富強以開帝業劉燕庭云有真書者

古泉匯

利十五



景宗錢 西清古鑑景宗保甯十一年改元乾亨是為宋太宗太平興國四年食貨志景宗以舊錢不足於用始鑄乾亨新錢錢用流布按南漢亦有乾亨錢文皆上下讀此右旋讀



聖宗錢鐘官圖經乾亨四年九月聖宗嗣位明年改元統和爲
宋太平興國八年以上二品元字皆左挑做開元式



亦聖宗錢背平按統和二十九年改元開泰此品爲戴醕士藏





古泉匯

利十五

二

亦聖宗錢 西清古鑑開泰九年改元太平則宋天禧五年也
食貨志聖宗鑿大安山取劉守光所藏錢散諸五計司兼鑄太
平錢新舊互用此錢亦右旋讀與宋太宗錢異元字亦左挑



興宗錢

西清古鑑按宋仁宗明道元年爲遼興宗景福元年

次年改元重熙興宗本紀重熙二十二年長春州置錢帛司



道宗錢鍾官圖經按道宗於重熙二十四年八月嗣位改元清寧為宋至和二年遼食貨志不載清寧錢制




亦道宗錢遼史清寧十年冬改明年為咸雍董道曰宋治平二年古泉匯 利十五 三 年耶律洪基鑄



亦道宗錢元寶通寶二種按咸雍十年冬改明年為大康當宋熙寧八年遼史大作太



亦道宗錢元寶通寶二種安字各異按大康十年冬改明年爲大安實宋元豐八年也



亦道宗錢遼史食貨志道宗世錢有四等曰咸雍曰大康曰大安曰壽隆而泉志以爲壽昌錢大昕潛視堂金石跋曰安德州靈巖寺碑云壽昌初元歲次乙亥洪遵泉志有壽昌元寶錢引東北諸蕃樞要云契丹主天祐年號壽昌又引北遼通書云天古泉匯

利十五

四

祚卽位壽昌七年改元乾統今遼史作壽隆初疑泉志之誤然所見遼時石刻稱壽昌者多矣無云壽隆者東都事略文獻通考皆宋人書亦稱壽昌其以爲壽隆者遼史之誤也况遼人謹於避諱光祿卿改崇祿避太宗諱也女真改女直避興宗諱也追稱重熙爲重和避天祚嫌名也凡石刻遇光字皆缺畫或作光道宗者聖宗之孫而以壽隆紀元犯聖宗之諱此理之必無者矣策考引正閏考亦云遼道宗年號壽昌見東都事略范成大攬輿錄又云壽昌元年爲宋紹興二年今未見壽隆錢



天祚帝錢洪志天祚改元乾統注見前董道曰宋崇寧元年延
 基鑄禧誤作基彙考乾統元年爲建中靖國元年崇寧元年乃
 乾統二年也



古泉匯

刊十五

五

亦天祚帝錢元寶通寶二種遼食貨志天祚之世更鑄乾統天
 慶二等新錢 西清古鑑天祚帝乾統十年改元天慶則宋徽
 宗政和元年也按遼錢皆右旋讀惟開泰及天慶通寶作上下
 讀又有通寶背上月者遼代典章文物半不可考卽史亦多云
 未詳卽如大安錢今世尚有而志以爲肉好銖數無所考修史
 者之疏略可見且遼志鑄錢歲五百貫較之宋神宗時歲鑄六
 百餘萬貫多寡懸殊故今北宋錢多而遼錢甚少所可稽者僅
 此

附 偽齊劉豫



偽齊劉豫錢篆真二種俱曰元寶三品微大似當二宋高宗本

紀建炎四年七月金人立劉豫為帝國號齊九月劉豫僭位於

古泉匯

刊十五

六


北京叛臣傳建炎四年劉豫即偽位十一月改明年為阜昌按

阜昌元年即宋紹興元年也金史食貨志金初用遼宋舊錢天

會末雖劉豫阜昌元寶阜昌重寶亦用之吉金錄豫係景州阜

城人知濟南府叛降金金人冊立為帝改元阜昌紹興七年金

人執而廢之凡八年滅為時甚暫故錢絕少



亦元寶錢似當三永樂大典金史天會八年濟南劉豫爲帝改元阜昌當時所鑄錢凡六品大重寶次通寶小元寶並皆真篆制作頗精今所見元寶亦有大者



通寶錢一篆書次直書似當二金史所稱六品錢次曰通寶此

二品正合




古泉匯

刊十五

七



亦通寶錢篆書似當三



重寶錢篆真二品似當三或當五

附西夏李乾順仁孝純祐安全遵頌



西夏梵書錢三品洪志梵字錢不可辨大抵類屋狀吐蕃錢此錢今所見者尚不止三品皆不可識吉金錄據劉青園曰涼州出土古錢數甕其中唐宋遼錢及西夏元德天盛乾祐天慶皇建光定諸品皆有而此種梵字錢亦有數品又嘗於涼州大雲寺訪得古碑碑陽正作此等字碑陰楷書則天祐民安五年乃古泉匯

利十五


八

知此錢爲西夏梵書劉燕庭曰曾以所藏西夏天祐民安碑字證之筆法無異其爲西夏錢無疑按天祐民安紀元尙在元德以前則此錢當是西夏開國時物尙與中華文字不通迨後改用漢字始有元德以下諸品也



崇宗李乾順鑄鍾官圖經按元德爲夏崇宗年號西安載記紹興二十八年爲夏仁宗仁孝天盛十年始立通濟監鑄錢元德

中並未聞鼓鑄然史冊疏略往往有之况西夏僻在偏隅文物未備耶未必天盛以前卽無鼓鑄也



仁宗李仁孝錢 西清古鑑夏人慶六年改元天盛時則南宋

高宗之紹興十九年而金煬王之天德元年也宋史西夏紀天盛十年立通濟監鑄天盛元寶錢今銅錢少而鐵錢多

古泉匯

利十五

九



鐵錢制作文字與銅錢同



亦仁宗錢吉金錄按天盛二十一年改元乾祐五代漢隱帝亦號乾祐然羅中請在京置監鑄錢疏奏不報是未嘗鑄也此錢

制作精妙類西夏錢故附於茲



鐵錢與銅錢同今亦銅者少而鐵者多



桓宗李純祐錢吉金錄按仁孝子嗣立改元天慶遼天祚帝亦

古泉匯


利十五

十

有天慶錢與此異




襄宗李安全錢按桓宗弟即位應天四年改元皇建



神宗李遵頊錢按遵頊於皇建二年僭位改元光定

金



煬帝錢次品背四面月金食貨志金初用遼宋舊錢並製交鈔
海陵王正隆二年始議鼓鑄中都置錢監曰寶源曰寶豐京北
置錢監曰利用文曰正隆元寶 西清古鑑金煬王貞元四年
改元正隆則宋紹興之二十六年也

古泉匯

利十五


十一



鐵錢與銅錢同文



世宗錢背月星申酉字共七種 西清古鑑按史大定十五年增鑄新錢十八年代州立監錢文曰大定通寶二十七年曲陽縣鑄錢別爲一監二十八年京府及節度州增置流泉務金代鼓鑄是時最盛背文申酉亦紀年也彙考有背上月下星者四面月者上作小圈者○形者




一面下左右二星次較大潤緣似當二錢金食貨志大定錢世

古泉匯

利十五

三

傳其料微用銀茲品銅色純白殆和銀所鑄



同文二品一面背正書一背倒書三面背無文然形制銅色與大定錢無異又有面文正背文向左者



一背上申左右半分二上申下十左一右不晰三穿上兩面申
 字亦大定之合背同文者也彙考又有申半分錢穿下雙圈者
 又有上半下分左右二圈者四旁卦象者劉燕庭有面申背酉
 俱在穿上者

古泉匯

卷十五

三




面文大定無通寶字背上下左右四圈



一背文聖宋元寶篆書錢質窳薄非兩枚粘台者與聖宋錢背
 文唐國通寶者同均不可解次品背正隆元寶彙考又云有大

定背文崇寧者金代錢制多仿宋徽宗錢於此益信



大錢背申字在左向右書形製之鉅為金錢所僅見史無明文

不知行用若何為吳我鷗所藏又有背上齊字者不可解



古泉匯


利十五

古



鐵錢與銅錢同金史不載





章宗錢六品以次迭大一小平錢篆書餘真書二三四似當二

五六似當三按史稱鑄大錢此外無明文鍾官圖經有泰和通

寶錢似當二而小平當三兩種則諸譜未載然是錢確非偽品

可補史冊之缺三背文上至下一不可解左右星月則仿舊式

然仰月在左亦創見也四背不晰上下似一分左右似二錢或

記直耶



古泉匯

利十五

五





合背錢亦似當二



當十錢

西清古鑑按食貨志稱泰和四年鑄大錢一直十篆

文曰泰和重寶與鈔並行此錢是也




古泉匯

利十五


夫

一合背次面背俱四曲文向外兼考有合背背文向上者吉金錄有面文傳形背四曲文者



此品更大於當十者史亦不載未識行用若何

文曰泰和重寶與鈔並行此錢是也



宣宗錢諸譜未載策考亦云未見惟據淵鑑類函金宣宗鑄貞祐通寶錢又按食貨志貞祐四年或請鑄當百大錢後亦不用或宣宗時亦曾鑄錢與鈔並行歟

附 未見燈金西夏錢

應應通寶 應應重寶 遼穆宗

康國通寶 遼德宗

古泉匯 利十五

感天元寶 遼感天皇后

天授通寶 夏景宗

大德元寶 夏崇宗

乾定元寶 夏獻宗

承安寶貨 金宣宗

古泉匯利集卷十六

元



成宗錢大小二品皆曰通寶按成宗於至元甲午嗣位乙未改元元貞策考有徑七分五分兩種卽此



古泉匯

利十六



亦成宗錢四品以次迭小皆通寶按成宗元貞僅二年卽改元大德西夏崇宗亦號大德然此錢頗似元錢策考又有當二者



武宗錢四品亦以次迭小皆曰元寶按武宗紀至大二年大都

立資國院山東河東遼陽江淮湖廣川漢立泉貨監三年命以
 歷代錢與手大錢參用




大小二品皆曰通寶元食貨志武宗至大三年初行錢法立資
 國院泉貨監其錢曰至大通寶者一文準至大銀鈔一釐茲品
 是也但今元貞大德諸品俱在是至大以前已有鼓鑄也

古泉匯

利十六

二




蒙古篆書大元通寶錢三品以次迭大一似當三次當五三則

當十也通字在左寶字在右與至元通寶同蓋蒙古字皆自左
 向右讀也元食貨志至大三年立監鑄錢曰大元通寶者一文
 準至大通寶十文其當五當三折二舊數用之明年皆廢不行
 策考據葉子奇曰元朝止行鈔法獨至大官裡行至大二等錢
 當五以蒙古字書小錢以楷書按子奇未喻蒙古字爲大元通
 寶故云然然大元之確是至大年鑄自可信耳惟折二者未見
 又有大錢篆書大元國寶背文至元者

古泉匯

利十六

三



仁宗錢元寶一品極小通寶大小二品又延祐三年一品按仁
 宗皇慶三年改元元祐劉燕庭云有延祐三年錢背大昊天寺
 四字應是當時鑄錢施於寺中者



英宗錢元寶一品通寶三品以次迭小元史仁宗延祐七年太子碩德立改元至治



二品曰至治元年形同而字小異



古泉匯

利十六

四

泰定帝錢三品以次迭小元史至治三年泰定帝即位次年甲子改元泰定



亦泰定帝錢小平錢篆書曰通寶小錢真書曰元寶元史泰定帝於戊辰年改元致和旋殂時僅半載故錢更少





文宗錢一元寶次通寶三四背太乙護聖五面壬申背護聖三
 以下穿作四曲文元史天曆三年庚午改元壬申乃至順三年
 也叢話元時用鈔不甚鑄錢錢或為供養之用往往得諸古剎
 大小似以意為之今觀太乙護聖確屬廟宇之物元時各代多
 有小錢當亦此類



古泉匯

利十六

五

順帝錢元寶通寶二品元史順帝於癸酉年改元元統此錢諸
 譜俱未載



亦順帝錢大小三品又背玉字一品元史順帝於元統二年改
 明年為至元



小錢一元寶背戊寅次至元戊寅三背文香殿順帝改元屬乙亥戊寅則至元四年也背文香殿與前玉字者當亦寺觀所鑄吉金錄按至元六年改至正至正十一年始詔鼓鑄則至元年不應有錢然形模字文與至正錢無二而戊寅又爲至元四年之年干蓋元以鈔法爲重錢幣多略而不書卽至大至正等錢近世所見者品類不少食貨志俱未詳也又按世祖中統四年改明年爲至元至元十五年亦爲戊寅然彼時尚稱帝於斡灘河一年後始滅宋入中國其時或未暇及此愚按元史盧世榮傳至元二十二年世榮奏鈔法虛弊莫若依漢唐故事鑄至元錢世祖曰便益之事當速行之四閱月所行不符所言罷之是世祖試行僅四月其錢未必有傳世者故依吉金錄定爲順帝錢且元史仁宗皇慶元年下詔廢錢監至正始復開鑄今元祐以下諸品除小錢多廟宇供養所用不載史冊外至小平錢自是行用之物色澤俱古並非僞作其或當時民間未斷私鑄耶抑或官監原未盡廢而史佚之耶不可知已



至元蒙古字錢二品似當二當三者按蒙古書錢二種此曰至元通寶至字與大元通寶大字迥異策考證之蒙古字韻確是至字非大字左通右寶與大元錢同舊譜以爲一種誤也





古泉匯



利十六

七



亦順帝錢一小平二小錢三當十元食貨志至正十一年置寶泉提舉司掌鼓鑄至正通寶錢按背無字者僅見此三品





古泉匯

利十六

八

至正錢三種一至四小平五至八當二九至十三當三背上俱
 蒙古字彙考釋爲寅卯辰巳午紀年也小平當二俱缺寅字者
 諸品疑至正十年庚寅至十四年甲午所鑄考史云十年十一
 月詔鑄至正錢是開鑄雖起於寅年而已屆冬月爲時甚暫故
 寅字錢絕少





當二當三錢二種背上蒙古字彙考釋爲二三下真書二三字





古泉

利十六

九

當五錢背上蒙古字不晰下一星真書五字紀直也





當十錢一背上蒙古字篆考釋爲成應是戌年所鑄下一星真

書十字次品背同而倒置之三四五背上字篆考釋爲十四背



下一畫五橫列壹兩重三字形較大諸品皆有十字自係當十


錢彙考又有背下一星真書五字背上五字作可與午同者

古泉匯

利十六

十





權鈔大錢三品以次迭大面文至正之寶同背上吉字右權鈔
 同左曰一錢一錢伍分貳錢伍分所直亦迭增吉殆取吉貨之
 義又有背左伍分二字乃權鈔之最小者

古泉匯

利十六

十一



背文伍錢乃權鈔之最大者泉史按元初頒中統鈔是以鈔權
 錢也既又頒至元鈔一當中統鈔之五是以鈔權鈔也至正之

寶勒數於幕所權者卽至正銀鈔也始以鈔權錢繼以鈔權鈔
 終以錢權鈔鈔法大壞遂致交困至大通寶一文準銀鈔一釐
 以此核計權鈔伍錢當值至大五百文而食貨志不載




面上下兩字背穆清銅寶應亦寺觀之錢香殿護聖之類也劉
 燕庭云又有面文至正元年者上至右正左元下年上及右左
 及下讀之

古泉匯

利十六

三

附 僞宋韓林兒



龍鳳錢一小平二合背三當二四當三元史至正十五年韓林
 兒立爲帝又號小明王建都亳州國號宋改元龍鳳

附 偽漢陳友諒



陳友諒錢小平當二當三共三品陸深豫章漫鈔戊戌徐真一

下陳友諒始據江西改元天啓明年己亥爲天啓二年四月又

古泉匯

刊十六

五

改天定五月友諒自稱大義元年按戊戌爲元至正十八年至

二十年壽輝被友諒篡殺此錢尙在未篡以前故亦以爲徐壽

輝據江西所鑄彙考據建元考曰天啓天定改於壽輝末年疑

卽友諒所改故卽斷爲友諒錢又考竹窗解頤雜錄明時寶源

局出舊貯天啓錢數十文古色陸離詢之羣臣莫知其由是明

天啓以前早有此錢考梁蕭莊魏元法僧并南詔俱有此年號

然皆不聞鑄錢且此錢仿元錢式與天定大義諸錢無異故知

爲元末明初之物





亦陳友諒錢小平當二當三三品注見前又百祿權衡庚申外史云陳友諒之篡徐真一也僭號大漢改元天定大義

古泉匯

利十六



十四



亦陳友諒錢小平當二當三三品注見前又茶巖逸考元至正二十年陳友諒稱帝於江州僭號漢改元大義鑄錢曰大義通

寶

附偽周張士誠



張士誠錢小平當二當三當五四種背文一二三五皆紀直也

古泉匯

利十六

十五

翁宜泉曰古少錢文面背兩種書者茲面楷背篆殆仿至正背
蒙古字而沿爲篆書歟輟耕錄張士誠據高郵改至正十六年
爲天佑三年國號大周以承天寺爲宮毀銅佛像爲錢按天佑
史作祐今錢作佑與元末諸錢相類鍾官圖經窠考錢錄諸譜
均定爲張士誠物錢錄曰史作祐誤錢募韻編有背上壹字者

附未見元錢并元末偽錢

皇慶通寶 元仁宗

天統元寶 夏明玉珍



古泉匯利集卷十七

明



明太祖錢二三四背皆紀地五背上字不晰下一字似紀直皇




明法傳錄元至正二十一年太祖置寶源局鑄大中通寶錢王

古泉匯



利十七

一

漁洋池北偶談明太祖初建國號意在大中既而祈天乃得大明故當時錢又有大中通寶春明夢餘錄洪武元年改大興府為北平府豫則河南浙則浙江也又有背左廣字者



一似當二次及四當三背浙字見前濟則山東也



當五錢次背豫字在下三浙字在上 西清古鑑按明會典太

祖初置寶源局於應天鑄大中通寶錢及平陳友諒命江西置



貨泉局額大中通寶大小五等錢式考五等錢則小平當二當


三當五及當十也

古泉匯

利十七

二






古泉匯

利十七

三

當十錢背紀地兼紀直京則南京鄂則湖廣福則閩中桂則廣西也餘見前又有上十右廣者



亦太祖錢背次下一畫三右文一錢四以下紀地同前廣乃廣
 東治雅二字義未詳雅或雅州所鑄耶明食貨志太祖卽位頒
 洪武通寶錢凡五等當十當五當三當二當一當十重一兩餘
 遽降至重一錢止各行省皆設寶泉局與寶源局並鑄侯恂曰
 重各如所當之數小錢重一錢又有京字者齊字者



當二錢二錢者重二錢也二福者閩中所鑄之當二紀地兼紀

古泉匯





利十七

四


直也當二紀地者僅見此



當三錢背紀重並紀地與前同又有右廣左三者




當五錢背紀重紀地紀直同前




古泉匯

利十七

五





當十錢背一紀直二兼紀重三以下紀直兼紀地與前品略同
 末品濶緣較當十錢重大過之然五等錢至當十爲止不聞此
 外更有倍直者則仍屬當十也又有上鄂下十者上桂下十者
 上十下滇者

古泉匯

卷十七

六



惠帝錢背平考建文年無鑄錢明文叢話曰明史稿嘉靖六年
 補鑄洪武至正德九號泉每號一百萬錠一錠五千文景泰以
 出廟獨無泉文按洪武至正德去景泰尙有十號洪武建文永
 樂洪熙宣德正統天順成化宏治正德也此云九號未知何號
 獨不補鑄陳氏圖經云無建文而今有是泉足正其誤愚所見
 建文天順成化宏治四種各有小錢背俱平



成祖錢會典永樂六年鑄永樂通寶明食貨志成祖九年鑄永樂錢彙考有小錢背平如建文錢式疑是補鑄錢又有大小五種錢略如大中洪武之制




古泉匯

利十七

七

仁宗錢邱濬大學衍義補聖祖創大中通寶洪武通寶太宗鑄永樂通寶宣宗鑄宣德通寶百年間僅此四種錢然今建文洪熙錢俱在建文錢簿小猶曰補鑄茲則與明錢無二 西清古鑑亦載之而史冊遺之何也或補鑄亦有小平不僅小錢耶



宣宗錢會典宣德八年鑄宣德通寶錢九年令南京工部并浙

江等布政司鑄錢



英宗錢史亦不載然制作文字與明錢無異或亦嘉靖年補鑄
西清古鑑有此品



亦英宗錢薄小背平疑嘉靖中補鑄 西清古鑑所載較大於

古泉匯

利十七

八

此按天順係英宗復辟年號



憲宗錢一小平次薄小三背下一字補鑄錢不一律殊費解

西清古鑑載小平錢









孝宗錢一小平錢 西清古鑑載入次小錢背平乃補鑄者按
明史稿宏治十六年以後鑄宏治錢吉金錄有合背者





武宗錢次背上小圖明會典嘉靖二十三年鑄洪武至正德九
古泉匯 利十七 九

號錢此錢當係補鑄之一正德年固未聞鼓鑄也又西夏李乾
順亦稱正德然此似明錢與西夏錢不類彙考又有上月下星
者上星者上星月者



世宗錢小平當三當五三種背文三錢五錢皆紀重 西清古
 鑑按會典嘉靖七年鑄嘉靖通寶錢有金背火漆鑲邊三種
 國朝典策嘉靖十三年命工部造嘉靖通寶依洪武折二當二
 當五當十式今未見當二者諒亦有之小平錢有合背



古泉匯

利十七


十



當十錢一背上十字紀直右一兩紀重此所謂仿洪武錢式者
 二微小大於當五者三較大而薄想俱當十錢以當時不聞當
 十之外別有大錢也又有右一兩上無字者



穆宗錢 西清古鑑按會典隆慶四年鑄考明初錢鈔互用宏治後多用銀而鈔法不行惟俸錢獨支鈔至是始以新鑄隆慶錢給官俸云



古泉匯

利十七

十一




神宗錢背上一星一圈上月下星工字公字天字數種 西清古鑑按會典萬曆四年命戶工二部准嘉靖錢式鑄萬曆通寶錢金背火漆一文重一錢二分五釐鏤邊一文重一錢三分又命十三布政司南北直隸俱開局鑄錢今工字者自屬工部所鑄公字天字未詳當時既各省開鑄明史又云時王府皆鑄造私錢或各以爲識別耶彙考又有戶字者通字下一星者背下

一星者背上仰月者左下斜月者正字者土字者



三品較小次背右厘字當是一文準銀一釐三公字在右內向




此品字最工式較大似當二外緣獨狹吉金錄謂是鑲邊錢劉

古泉匯

利十七

三

燕庭云曾見一錢如金背者文曰萬曆年造



合背錢一面背文俱正二背文倒



萬曆銀錢背礦銀二字舊譜未載劉燕庭曰是當時開礦之地

偶爾鑄此



光宗錢一小平次三背上月星四厚重似當二按萬曆四十八年八月光宗卽位九月熹宗卽位光宗僅在位一月竹窗解頤

熹宗見先朝所鑄不見泰昌命錢局將天啓泰昌並鑄

古泉匯

卷十七



十三



合背錢次上下泰昌左右星月無通寶字彙考又有面泰昌背星月者面泰昌背泰字向下昌字向上右通向左左寶向右者



面文泰昌背文萬曆二品二背文倒彙考有四昌字外向者



熹宗錢背上月一品一星在上下左右四品又上下二星又上

古泉匯

利十七

齒

京字戶字上工字下工字共五品京則京都戶工則兩部所鑄
春明夢餘錄國初錢法專屬工部寶源局天啓二年始設寶泉
局屬於戶部故有戶工字又按梁蕭莊魏竺法僧及南詔與陳
友諒皆有此年號而茲錢確屬明制又有星月者下一畫者



又出昂新則新設泉局所鑄一錢一分與二分者紀重也浙則
 浙江密則密雲云則雲南院未詳侯恂鼓鑄事宜天啓年諸局
 相繼報罷止存湖廣川陝密雲寧大遼東數處故密雲者背爲
 密字雲南者若作雲字與密雲無別故作云字以別之彙考又
 有右壹左錢者一錢或在左或在右或上下者上福字者右奉
 上旨字者上樞字者鎮字者面天啓永寶背右壬字者



古泉匯

利十七




五

二品迭大似當二次背上一星



一面背同文次面背皆天啓背文三兩天字在上下內向背兩
 啓字在左右外向四面天啓背泰昌均當時工人之誤彙考又
 有兩天字相對兩通字一正一倒者兩天字及兩戶字兩工字

相對者面天啓通寶背四字內向者面天啓背萬曆者



古泉匯

卷十七

六

大錢背十字者紀直一兩者紀重府密鎮皆紀地也明食貨志
天啓元年王象乾請鑄當十當百當千三等大錢於是兩京皆
鑄大錢後有言大錢之弊者詔南京停鑄收大錢改鑄又云南
北二局外有宣密二鎮云云府係宣府鑄密則密雲鑄鎮則二

鎮鑄也策考又有背文一兩無十字者十兩無一字者上府下十者上十下內者顧湘舟有右壹左兩徑三寸者豈當百錢歟



小銀錢與萬曆礦銀錢同而背無文此二種錢諸譜未載然形質非近代偽作也




古泉匯

利十七



七



莊烈帝錢明史稿崇禎元年鑄背星月及圈數種



背文紀天干缺辛壬癸三種彙考謂海寧陳氏譜俱有之




背文錢作分俗書白石神君神陰用錢一貫作分是宋以前已有之
 西清古鑑崇禎錢式每文重一錢南都所鑄輕薄每重八分一冬自係紀重八分不可解或卽八分歟捌字者義同

古泉匯

利十七

丈



背文戶戶部工工部局則寶源寶泉諸局官則官局新則新設


局舊則舊局戶回卽戶部舊局俗書作回又有行字勅字者



古泉匯

利十七

九



背文紀地江江寧榆林衛重重慶嘉州加亦嘉字減筆者

廬廬州俗書作戶忠州應天青或青州或青浦或青陽貴

貴州廣廣東太平天府府字亦紀地不能確指其處彙考青

字有在上者貴字有在下者府字有在下者又有上鄂字者






背文制字奉制皇字義同猶云皇朝法制也新厘卽新局直銀

古泉匯

利十七

三

一釐之錢俗書減作厘清忠以下未詳何義末品奔馬形利集
不載花紋錢此品據錢錄曰仿漢地用莫如馬之義錢幣考崇
禎末鑄錢有馬形民間諺曰馬亂天下論者謂闖賊以馬又士
英柄政亡國之兆是此錢並非厭勝故收入正品





諸品微分大小皆當二錢二字或作川似俗馬子紀直也末二品上下兩馬形又上下左右四馬形

古泉匯

卷中七

三



合背錢一小平背倒書二當二面背正書三四亦小平當二兩種俱面背無文然制作銅質確係明錢之兩幕故附於崇禎之末



當五錢三種背紀直紀地當十錢背無文明食貨志末年敕鑄

古泉匯

利十七

三

當五錢未及鑄而明亡今現有之是會鑄也彙考聞有當十錢今此品極大與天啓當十無異爲劉燕庭所藏亦僅見者



面上崇左寶向下背下通左禎向右亦工人之誤又有面崇禎背天啓者

附 未見明錢

景泰通寶 代宗

古泉匯利集卷十八

附明藩魯王



魯王錢背戶字工字帥字錢幣考謂明初鑄然考隆慶年楊家

相請鑄大明通寶萬曆中郝敬亦請鑄大明通寶部議俱格不

古泉匯

利十八

行自係祖制所無錢錄以會典稱嘉靖六年諭收新錢聽候鑄

大明通寶取用故附於嘉靖之後然曰聽候取用是尙未鑄也

彙考引春明夢餘錄曰其錢之名當改爲大明通寶使萬世行

之無阻此啓禎時語是嘉靖時無鑄大明錢之明證惟黃宗羲

行朝錄魯王紀年稱崇禎十七年魯王回越鑄大明通寶錢其

戶工二種尤與天啓崇禎錢相似故決爲魯王鑄其帥字者或

明亡後諸帥所鑄按明錢止此我

朝大統既集勝國餘燼及叛逆僞品豈容復紀然自新莽後僞

品錢幣董譜洪志搜羅靡遺茲循例詳載其目以備稽考而不

摹其形

附 福王

宏光通寶

小平錢背無文真書
八分書二種

一星在背上 鳳字亦在背上

宏光通寶

背右貳當二錢

三藩紀事本末福王神宗孫甲申三月馬士英迎王至南京即位改明年為宏光元年十月命鑄宏光通寶錢又有背上圖者上下二星者背下厘字橫書者

附 唐王

隆武通寶

小平錢背無文

戶 在背上

工 在背上

古泉匯

利十八

隆武通寶

當二錢背無文

隆武通寶 鐵當二錢

三藩紀事本末唐王聿鍵順治乙酉閏七月僭位於福州僭改元隆武鑄隆武通寶錢

附 永明王

永歷通寶

小平錢背平

背上下兩星 戶 在背上以下十二種同

御

勅

督

部

道

府

留

粵

輔

明

定

國

元 在背下

二

永歷通寶

當二錢背無文篆真二種

永歷通寶

背上壹下分二品一似當五一似當十

三藩紀事本末永明王神宗孫張獻忠陷衡州王遷於梧州於丙戌諸將立之僭改元永歷其錢有大小四種又有小平背工字者五厘者

附 李自成

永昌通寶

小平錢背平

永昌通寶

當五錢背平

綏寇紀略甲申正月李自成稱王於西安僭國號曰順改元永

昌鑄大錢直白金一兩次當十錢當五錢平物價今惟見小平

古泉匯

利十八

三

當五兩種

附 張獻忠

大順通寶

小平錢背平

戶 在背下

工 在背下

茶巖逸考甲申冬張獻忠僭偽號於成都稱大西國即王位僭

元大順鑄大順通寶錢

附 孫可望

興朝通寶

背下工小平錢

興朝通寶

背下工當二錢

興朝通寶

背上五下厘當五錢

興朝通寶

背上壹下分當十錢

茶巖逸考孫可望為張獻忠義子獻忠伏誅可望入滇自稱東

平王鑄錢曰興朝通寶

附 吳三桂世璠

利用通寶 小平錢背無字

匣在背右

貴在背上

利用通寶

背右二左匣當二錢

利用通寶

背上五下匣當五錢

利用通寶

背右一下分當十錢大小二種

昭武通寶

小平錢背平

工在背下

昭武通寶

背右壹左分當五錢亦似當十篆書

洪化通寶

小平錢背平

戶在背右

工在背右

錢錄吳三桂初封平西王鎮滇南即山鑄錢文曰利用通寶甲

古泉匯

利十八

四

寅印偽位改元昭武鑄昭武通寶其子世璠改元洪化鑄洪化

通寶翁宜泉曰四川鹽神廟神腹內得偽周吳逆昭武二年已

未大統歷末載紀年周元年甲寅戊午爲周五年即昭武元年

則僭號昭武乃戊午非甲寅也利用小平錢有背上雲字者

附 耿精忠

裕民通寶

小平錢背無文

裕民通寶

背右一分當二錢

裕民通寶

背右壹左錢

浙在背右

一錢在左俱當十錢

茶巖逸考耿精忠叛據閩中鑄裕民通寶錢錢錄曰利用裕民

乃錢名非紀元也按興朝亦然裕民錢有背貳分者

附 外國錢

高麗



高麗海東錢通寶篆書真書各一品重寶一品西清古鑑宋

史高麗一曰高句麗地產銅崇寧後始知鼓鑄有海東通寶重

寶三韓通寶三種錢按海東重寶亦有篆書者洪志曰篆文甚

精

古泉匯

刊十八

五



高麗三韓通寶重寶二品注見前西清古鑑按朝鮮史略三

韓馬韓辰韓弁韓也按此錢亦有篆書者



高麗東國通寶錢真書重寶錢隸書按海東三韓東國各有通

寶重寶二種翁宜泉曰是時宋崇寧有通寶重寶一品蓋仿中國爲之益信其鑄於崇寧時矣董道曰有東國篆書者



高麗朝鮮錢明史外國傳朝鮮箕子所封國也高氏據其地改號曰高麗太祖二十五年請更國號命仍古號曰朝鮮錢幣考洪武初李氏有國始更朝鮮則此錢明代所鑄也劉燕庭云有隸真二種

古泉匯

刊十八

六



高麗常平小平錢近代所鑄品類頗多面文盡同摹一以概其餘背文異者備列其目於後

上戶下六左

上戶下入右二左

上戶下入右六左

上戶下天左三

上禁下盈

上禁下四左

上捨下六左



當二錢更影面文亦同背文詳後

上戶下宿 上戶下洪 上戶下具 上戶下成

上戶下來 上戶下往 上戶下冬 上戶下成

上工下二 上營下荒 上營下月 上營下盈

上營下辰 上營下宿 上營下列 上營下張

上營下寒 上營下來 上營下水 上營下火

古泉匯 利十八 七

上營下木左四 上營下土左四

上摠下日 上開下二 上開下字 上開下宿

上開下荒 上開下日 上開下列 上開下張

上開下寒 上開下暑 上訓下一 上訓下十右二

上訓下字 上訓下荒 上訓下寒 上訓下暑

上訓下日 上訓下辰 上訓下宿 上訓下列

上宣下二 上宣下辰 上宣下閏 上宣下餘

上宣下律 上全下洪 上全下收 上統下異右三

上咸下洪 上咸下宿 上咸下異 上咸下月

上闕下二 上成下二 上所下盈 上當下左右二

上守下二 上圻下二 上誠下二 上賑下二 左

上禁下洪 上平下二 上海下二 上江下二

上宣下冬

常平背文不可殫紀僅就所見者載之不能備也劉燕庭曰或

以官名紀以地名紀穿上之一字也以干文紀以五行紀以數

紀穿下之一字也以數紀以卦紀左右之字也戶乃戶曹工乃

工曹摠乃總戎廳訓乃訓練都監宣乃宣惠廳統乃水軍統制

賑乃賑卹廳禁乃禁禦營皆紀官也開乃開城府全乃全羅道

古泉匯 利十八 八

咸乃咸鏡道黃字海字乃黃海道江乃江原道皆紀地也餘未

盡詳約可類堆

日本



日本和同錢載洪志者上下讀茲右旋讀劉燕庭按日本和漢

三才圖會和同開珎日本元明天皇鑄日本大成年代廣紀四

十三代元明唐景龍二年立改元和銅今銅省作同寶省作珎

錢仿開元卽摘取開元首尾二字爲文也



日本神功錢一右旋讀寶亦作珎二上下讀寶不省筆劉燕庭

按和漢三才圖會神功開寶祿德天皇鑄唐永泰元年立舊錄

曰其國延歷中鑄翁宜泉曰延歷乃日本天皇紀元蓋當中國

唐世元和年故錢仿開元珎或寶之省筆猶書寶作珎也卽讀

爲寶亦可

古泉匯

利十八

九



日本萬年錢舊譜日本錢四品一曰和同開珍二曰神功開珍

三曰萬年通寶四曰隆平永寶和漢三才圖會廢帝鑄新錢三

種金爲開基勝寶銀爲太平元寶銅爲萬年通寶



日本天皇紀元蓋當中國

日本慶長錢劉燕庭曰日本大成年代廣紀第百八代後陽成
萬曆十五年立二十四年改元慶長



日本寬永錢背有作水波紋者劉燕庭曰日本大成年代廣紀
日本第百九代水尾萬曆四十年立天啓四年改元寬永第百
十代明正崇禎三年立仍寬永不改元今見此錢甚多面文同
而背異備列於後

古泉匯

利十八

十

文 足

仙

佐

長

小

京

女

元

仇

一

二



十以上皆銅質背字俱在穿上

久

千二品鐵錢字亦在上

背文多紀地案文則文殊足則足利仙則仙臺佐則佐伯佐土
佐倉長則長門長府長岡長嶋小則小倉小泉小濱从則从留
里从保田皆地名或城名也一二十千皆絕數惟京字女字元
字仇字未詳應亦地名

日本對其錢幣圖目日本大成年代廣紀第百八代後陽成



日本寶永通寶大錢字類寬永錢背潤緣上下左右四凹圈圈
 內永久世用四字世字下別有一小凹圈圈內珍字細入毫芒
 幾不可辨制作甚奇似當五或當十錢案元號略引日本大成
 年代廣紀第百十四代東山康熙二十七年立四十三年改元

寶永

古泉匯

利十八

十一



寶永錢小於前品似翦去外郭者



日本鐵錢按大成年代廣記天明四年仙臺角錢即鐵方郭之
 仙臺通寶也圖錢皆外圓內方外方者僅見此考天明改元當

乾隆四十六年



日本天明錢注見仙臺錢

安南



古泉匯

卷十八

三

安南太平興寶錢背上丁字劉燕庭考大越史記丁部領以宋開寶元年平十二使君建國三年改元太平號曰丁朝面文太平紀年背文丁紀國號也



安南天福鎮寶錢背上黎字大越史記黎桓以丁廢帝太平十一年自立即宋太平興國五年改元天福號曰黎朝於甲申五年即宋雍熙元年鑄天福鎮寶背文黎亦紀國號



安南順天錢上下讀與史思明錢右旋讀者不同明史安南傳

黎利紀元順天建元考黎利於明宣德八年改順天元巢考以其形制與紹平等錢相類決為黎氏物又有作通寶者



古泉匯

利十八

十三

安南紹平錢通寶豐寶二種明史安南傳黎麟改元紹平六年





安南大寶錢明史安南傳黎麟改元大寶三年



安南大和錢大小二品按建元考黎濬以正統中嗣立改元大

和延寧彙考大和史誤作大利



安南延寧錢注見前又明史安南傳黎濟改元延寧六年



安南天興錢鍾官圖經按濬庶兄琮弒主自立改元天興此錢

古泉匯

利十八

齒

或疑為金哀宗錢以其形製與安南錢同故定為黎琮物



安南光順錢明史安南傳黎灝改元光順十年



安南洪德錢明史安南傳黎灝改元洪德二十八年彙考按洪

德元年乃成化六年庚寅



安南景統錢建元考黎暉以丁巳嗣立改元景統劉燕庭案元

號略暉於宏治十年立改景統在位七年



古泉匯

利十八

五

安南端慶錢建元考黎誼宏治末年立改元端慶




安南洪順錢明史安南傳黎明在位七年改元洪順



安南元和錢建元考黎寧立於嘉靖十三年改元元和又按日

本亦有元和年號策考列此於安南姑从之



安南明德錢背左右番字類草書春明夢餘錄嘉靖六年莫登

庸祇黎盧自立僭號大越改元明德




古泉匯

利十八

六

安南大正錢幣考莫登庸禪位於子方瀛鑄大正通寶



安南景興錢劉燕庭據安南新刊越史記前列史臣名姓有吳

時仕為景興丙戌科黃甲景興之為安南僞號確有實據又按

馬紹基年號考證景興係安南黎維禡號今此錢入中國者甚

多面背又亦繁茲募一品餘載目於後

景興通寶

篆

背上

二品

背上

京

背上

中

二品

背上大

背右山左西

背右山左南

背右庚左申

背上辛下酉

背上壬下戌

背上上

背右太

景興巨寶

景興大寶

景興太寶

景興中寶

景興內寶

景興永寶

景興順寶

景興泉寶

景興至寶

景興重寶

景興正寶

景興用寶

面文巨寶以下背文亦有不同者不備載

昭統通寶

背右山左南

背上中

背上正

昭統錢無可考然背文與景興錢無異當亦安南所鑄劉燕庭謂是乾隆初年所鑄

古泉匯

利十八

七

嘉隆通寶

泰德通寶

光中通寶

三種亦安南錢蔡廷蘭海南雜著黎氏為莫登庸所篡莫氏再傳為黎維潭所逐迄明世二姓分據焉後黎氏失國阮光年為國王據流寓者言黎氏末年國分為三嘉隆據隴柰姓阮泰德據新州光中據順化姓名未詳嘉隆泰德光中皆年號也

景盛通寶

寶興通寶

明命通寶

三品亦安南錢海南雜著西山賊於光中入山後仍稱西山王有景盛寶興諸年號又道光十六年為越南國十七年有明命年號今此錢有銅鉛二種

保泰通寶

保泰錢背有星月各種劉燕庭據述菴文鈔書王公讚事云前國王黎氏年號保泰則此錢亦安南鑄但未考何時耳

高昌



彙考據北史西域傳高昌賦稅則計田輸銀錢故泉寶錄斷此爲高昌國鑄但今見銅錢而銀錢未見

古泉匯

利十八

六



Vertical text on the left side of the page, partially obscured and faint, likely bleed-through from the reverse side of the paper.

